

1642. 341f. 521. 7
51 9
CHRISTVS
EX REO IVDEX
ORATIO

HABITA IN PARASCEVE

A D

S. D. N.
VRBANVM VIII.

A LVDOVICO BOMPLANO ANCONITANO

E SOCIETATE IESV.



ROMÆ, Typis Hæredum Corbelletti. MDCXXXII.

Superiorum Permissu.

BIBLIOTHECA NAZ.
ROMA
VITTORIO EMANUELE

CHRISTVS

EX REO IVDIX

ORATIO

HABITA IN PARACLETE

A D

S. D. N.

VRBANVM VIII.

A LUDOVICO VI. ET ANTONIO VI.

ASSOCIATI 1552.



EMINENTISSIMO³
PRINCIPI
FRANCISCO
CARDINALI
BARBERINO
S. R. E.
VICECANCELLARIO.



LVDOVICVS BOMPLANVS. F.



OLVISSEM E. P.

*ut volaret irreuoca-
bile verbum , nec ad
prælum reuocaretur ;
quod vento commise-
ram . Nunc autem
fugiens Oratio te iu-
bente tenetur Typis comprehensa . An igitur
mea verba ligentur ad vitam , dum Dei*

A 2

Ver-

4
*Verbum ligatur ad mortem? Virumque
portentum est; sed alterum Iudaicæ feri-
tatis, alterum humanitatis tuæ. Sic au-
tem alligata Oratio tot ante Iudices, quot
ante lectores statuetur. Si vero illam omnes
ut luce indignam morte damnabunt, unus
mihi abundè sufficis, qui eam luce dignam
indicasti.*



ORA:

ORATIO



N postulare liceat, vt Ecd. 76.
vindices sanguinem ser-
uorum tuorum, vt vni-
geniti Filij sanguinem
vl-iscaris optare non li-
ceat fortissime Deus vl-
tionū? Palm. 99.
Audiuimus atro-
citatem facinoris testis

oculati stylo descriptam; Quid ego actum
agens historiam repetam, vt pro occisi san-
guine repetam lacrymas? Libeat potius, dum
per te liceat B. P, iustæ vltionis memoria le-
nire paulisper acerbitatē doloris. Sic ergo
illum contemplandum proponam ab homi-
nibus iudicatum, vt eundem recolam homines
iudicaturum; inter præsentia ludibria futuræ
maiestatis vestigia relegens.

Siquidem per eisdem gradus, per quos
modo pergit vt iudicetur, redibit olim vt iudi-
cet. E monte Sion cœna facta contendit in
montem Oliueti. Nunc quidem in Cœlesti
Sion ad cœnam Agni confident, quos ipse Apoc. 19.
fecit discumbere, & transiens ministrat. At cū
dies illa, seu potius nox omnibus obscura con-
tigerit, ex eo grandi cœnaculo ad montem se

Zach. 14.

transferet Oliuarum, non iam Oliuarum, sed
cupressum, quia tunc terris nullū clementiæ;
misericordiæ nullum supererit oleum. Quis
vero dubitet supremum Iudicem ad montis
Oliueti verticem, qui valli Iosaphati incumbis
curuli nube venturum? Nimirum vnde igno-
minia patientis, inde sumet exordiū gloria iu-
dicantis; illustri documento, laboris & gloriæ
eadem esse principia. At modo Oliuetum su-
biens quid est quod cœpit pauere? quam dis-
pari vultu ad montem istum nunc ascendit,
tunc descendet? ascendit timidus, descendet
timendus, & ideo timendus descendet, quia
timens ascendit; quæ enim iniuste sustinenda
timidum faciunt, iustissimè vindicanda ti-
mendum efficient. Quare quot ipse malorum
genera perpeffus est, ante quam extremū pate-
retur, tot ferenda præmittet orbi terrarū, ante
quam vltimo excidio deleatur. Cernitis vultū
impallescere, frontem perturbari, artus con-
tremiscere, animum consternari, & intestino
conflictu aduersantium affectionum non sine
sanguinis effusione pugnari? Hæ vmbra sunt
malorum, quæ superueniēt vniuerso orbi. To-
tus enim ingenti perturbatione miscebitur;
& vt in Christi pectore aduersæ partes insur-
gunt, ita vbique terrarum surget gens contra
gentem, & Regnum aduersus Regnum. Quid
ille

Luc. 21.

Ille tremor artuū nisi terræ motus portendit ? Luc. 21.
Mar. 13.
 Homines præ timore arescētes descriptos video
 in fronte Christi metuestis . Dū vero eius mē-
 tis serenitas obnubilatur, quid hoc est, nisi solē Math. 27.
 obscurari ? Humanitas autem quasi passa de-
 liquium Diuinitatis est, instar lunæ non dantis Math. 27.
 lumen suum. Sed parum esset priuari lumine
 nisi etiā sanguine suffunderetur. Nōne videtis, Isa. 54.
 vt luna vertitur in sanguinē, dum cruento su-
 dore perfunditur ? quamquam dicerem potius
 stellas cadere de Cœlo, dū hæ stillæ cadunt è Math. 24.
 Christi vultu planè cœlesti . cœlesti inquā, sed
 nunc ad terram deiecto, nam in faciem proci-
 dens orat Patrem, vt à se transferat calicē . Bi-
 bit tamen, veruntamen fæx eius non est exina-
 nita : die illa amara valdè bibēt omnes pecca-
 tores Terræ. Tunc enim Pater ad eos transfe-
 ret calicē; ad te in primis Iuda, qui primus fui-
 sti tanti sceleris cōcinator. Bibes impuro illo
 ore, & amarescent labra, quæ dulcescere ne-
 queunt os illud osculando, quod est fauus di- Cant. 4.
 stillans. Quò pedē moues Tartarorū emissarie?
 En ille occurrit tibi, occurrit armata phalan-
 gi. Non vos illi, sed vobis ille timorem incutit;
 dicens enim ego sum, omnes voce prostermit.
 Qui sic loquitur, dū se alijs tradit ad necē, qua-
 lis tonabit, cū ad necē alios postulabit ! Vtinā Deut. 32.
 saperent, ac intelligerent, & nouissima proui-
 derent .

deret. Sed eorum oculi caligauerant adeo, vt
 solem ipsum quærerent laternis. In illū igitur
 certatim inuolant, eumq. vinciunt, illaqueant,
 irretiunt, oneratū catenis ad Tribunal rapiūt.
 Hæc est hora vestra: hora illius veniet, cum
 mittet Angelos suos, qui ad suū Tribunal om-
 nes adducent. Næc clanculum adorientur, vt
 vos excordes tenebriones, sed præuio clangore
 tubarum, quas tu quoq. Malche exaudies, sed
 ne earum sonitus tibi sinistrè accideret, auricu-
 lam dexteram: ideo micissimus Dominus beni-
 gnè restituit. Qui verò tuam absceidit, vtinam
 suas melius aures custodisset, ne ab illis tam
 facile exideret verba præmonitionis: prius quā
 gallus cantet, te me negabis; siquidē in atriu
 Caiphæ sequutus, sed à longè, præeuntem Ma-
 gistrum, ea longinquitate refrigerescens ad ignē
 refouendus accessit. Sed alijs flammis erat ex-
 citanda caritas, ideo ad Ancillæ vocē expa-
 uescens, quam tardus fuerat sequēdo Christū,
 tam fuit velox negando. Sed Petro in perfidiæ
 tenebris consopito galli cantus nunciauit au-
 roram; ille enim cantus prouocās plantū, quasi
 rorem expressit crepusculi matutini. Tu autē
 Petre quia flebas amarè, foras egressus es; quē
 enim serio pœnitet delicti, & in eadem persi-
 stit occasione delinquendi? sed nisi egressus
 fuisses, aliam ibi inuenisses causam dolendi.

Doluisses etenim, quod Malcho satellitū impudentissimo pro dextera auricula, nō potius dexteram manum amputasses. Illū, illum nimis mirum fuisse perhibent, qui in vultum sacrosanctum, in quem Cœlitum Principes vix audent obtutum intendere, non horruit alapam impingere. Quid autem? humanissimus Dominus, qui illi recisam auriculam, manū quoque si fuisset abscissa, eadē benignitate restituisset, & fortasse prōptius, quia tam ignominiosam alapam sibi ab illa infringendam prævideret; sic enim suis verberatus fuisset beneficijs, ideoque ipsi dolorū cupido eo gratior fuisset percussio, quia ab ingrato fuisset. At si ita res habet, lætare dolorum amantiſſime: nam nihilominus oritur à beneficijs tuis ista contumelia. Cur enim Malchus præ cæteris adstantium te colapho verberavit? Profiteri voluit non quia à te aurem receperat, ideo de te benè sentire. Ingrate Malche! Quam subito abuteris auriū munere, dum tam sinistrè accipis verba loqueris? ſilebit igitur, ſed die illa, quā præcinit Iſaias, Iſa. 55. quaſi parturiens loquetur. diem illam tacitus cogitat, dum nō reſpondet Pontifici; ideo qui dudum tacuerat, vix oblata occasione in ea verba prorumpit. A modo videbitis Filiū hominis venientem in nūbibus. Tunc Pontifex ſcidit veſtimenta ſua, eu m̃q. reum mortis con-

Chriſtoſt. &
Euth. in Io.

cla-

clamauit. Quid autem cum inuidia tabescens
 verè illum suspicies in nubibus venientē? Nō
 vestimenta discindes, sed pectus discerpes;
 audies enim ab illo in te dici sententiā, quam
 tu in illum modo pronuncias. Ad Pilatum
 igitur cū dies illuxit, & geminatae sunt tenebrae
 Iudeorū innocens Reus allegatur. Circumstāe
 prātorium; quā falsis criminationibus, quā in-
 conditis clamoribus iudicium capitis prāpro-
 perè extorquere contendunt. Suboluerat Præ-
 sidi delatorum inuidia, delati innocentiam te-
 nebat, quid tamen deliberat? Nequissimum ca-
 put! Audistis Euangelici scriptoris historiam.
 horret animus tam cruda vulnera retractare.
 memor propositi in his tantum, quæ innocens
 patitur, dum extremum supplicium opperitur,
 relegam pœnas, quas ab illo referent nocentes,
 ante quam supremæ sententiæ fulmine ad in-
 ferorum gurgustia deprimantur. Illa siquidem
 verbera, quæ laceratosi virgatores in teneros
 artus intorquēt, rependētur verberibus, quibus
 inferorū satellites damnandos homines, quasi
 reluctantes canes detinebunt, dum ad montes
 confugere, seque in cauernas penetrare cona-
 buntur. Quin etiam irati Iudicis acerrimè ver-
 berabūtur obtutibus, flagellabūtur clamoribus,
 lacerabūtur improperijs. Quid spinæ illæ, quæ
 Domini caput cruentant? Spinæ erunt præte-

fitarum voluptatum, futurorum suppliciorum
 acutissimæ cogitationes, quæ eorum capita,
 & corda infinitis aculeis fodicabunt. Tunc Sap. 2.
 miseri sentiēt ex illis rosis, quibus se voluptariē
 coronarunt, solas spinas sibi esse superstitēs.
 Quin etiam diuitias tunc demum esse spinas Math. 13.
 intelligent, cum ab illis sentient pungi memo-
 riam. Et quidem in ludificato Christi Regno
 adumbrata video eorum ludibria, qui e super-
 bis Dynastis, iam abiecti hominaciones, se de-
 risos videbunt ab illis, quorum vitam æstima-
 bant insaniam. Tunc siquidem illi inter Dei Sap. 5.
 filios computati in ipsorum interitu ridebunt.
 Quid enim? Vt equidem interpretor, in iudi- Prouf. 1.
 cium ducentur arundinem pro sceptro, dumos
 pro corona gestantes: vellent etiam faciē ve-
 latam, eam tamen solo velari rubore permit-
 tetur. Interim vero tu mitissime Iesu sub scur-
 rilis Regis habitu ludificaris, tu ad Iudicem si-
 steris, tu infami supplicio damnaris. At si nūc
 Prætor lauans aqua manus tradit te voluntati
 Iudeorum, tu olim lauans manus in sanguine Psalm. 97.
 peccatorum trades eos arbitrio Tartarorum.
 Ergo dicta sententia festinant satellites, pati-
 bulum inferunt, eoque viso tripudiantes exul-
 tant Iudei. Quam amaro luctu plangent om-
 nes tribus Terræ, cum hoc in Cælo signum ap-
 parebit! susceptum humeris, & corde comple-

xum baiulat nobilis Cruciarius, & in eo demū
cōfixus, qui olim nō clauos manu, sed fulmina
vibrabit, vt cum maximè refert futuri Iudicis
speciē. Quid enim Crux est, nisi solum maie-
statis ante quod Regū vertices inclinantur? in
eo igitur sublimis duos præ se habet hominū
ordines iudicandos; proborū enim dexter, im-
proborū sinister latro designat. Sēsit nouus ex
latrone Propheta hoc futuri Regni præludiū;
ideo ad Iesum conuersus: memento (inquit)
mei dum veneris in Regnum tuum. Exerit ille
nimis diu conditam potestatem, eumq. Cælo
adiudicans, alterum gehennæ relinquens vlti-
mum iudicij actum absoluit. Quid ni ergo di-
ceret consumatum est? In eius autem disce sū-
scindūtur petre, quia ad absorbendos damna-
tos terra dehiscet; velū tēpli diuiditur, quia ad
excipiēdos electos sancta sanctorū aperiētur.

Quid nos interea? reuertimur cum Centu-
rione percutiētes pectora nostra, an manemus
cum Longino ferientes pectus Christi? Hunc
si potius imitamus, cæcū sequimur. Vtinam
autem sanguis Christi sicut Longino oculorū,
ita nobis fiat animorum collyrium, vt purgata
acie futuram maiestātē in præsentī, abiectio-
ne prouidentes, eo cultu prosequamur in Cruce
pendentem, quo proni adorabimus. In nube
Iudicantem.

L A V S D E O.

